



Broj: 08-23-11-1276-1/15

Datum: 17.06.2015.godine

Na osnovu člana 10. stav 2. Uredbe o pomoći u rješavanju stambenog pitanja branilaca i članova njihovih porodica („Službene novine Zeničko-dobojskog kantona" br. 4/14- u daljem tekstu Uredba) i tačke 12. Instrukcije za primjenu Uredbe o pomoći u rješavanju stambenog pitanja branilaca i članova njihovih porodica, broj:13/02-04-23-69267/15 od 26.03.2015.godine, Gradska/ Općinska služba za boračko-invalidsku zaštitu i opću upravu objavljuje

OGLAS

za dodjelu novčane pomoći braniocima i članovima njihovih porodica u svrhu trajnog stambenog zbrinjavanja

I. Predmet oglasa

Ovim oglasom se obavještavaju branioci i članovi njihovih porodica sa prebivalištem na području općine Tešanj, kao i povratnici u Republiku Srpsku koji ostvaruju osnovna prava iz branilačko-invalidske zaštite u općini Tešanj i koji su na evidenciji nadležnog organa za vojne evidencije u općini Tešanj, **o mogućnosti podnošenja zahtjeva za dodjelu jednokratnih bespovratnih novčanih sredstava u svrhu:**

- 1) izgradnje stambenog objekta s ciljem trajnog stambenog rješavanja;
- 2) kupovine individualnog stambenog objekta ili stana na osnovu ugovora zaključenog u 2014. i 2015.godini
- 3) prilagođavanja stambenog objekta posebnim potrebama ratnih vojnih invalida;
- 4) sufinansiranja dozvola za gradnju i sufinansiranja legalizacije stambenog objekta

II. Pravo učešća na oglasu imaju branioci i članovi njihovih porodica koji:

- 1) imaju prebivalište ili boravište na području Kantona u trajanju od najmanje tri godine, osim povratnika u RS;
- 2) ostvaruju prava iz oblasti branilačko-invalidske zaštite u općinama Kantona;
- 3) nemaju riješeno stambeno pitanje na području BiH i isto rješavaju na području Kantona;
- 4) posjeduju valjanu dokumentaciju za izgradnju ili kupovinu stambenog objekta;
- 5) nisu bili korisnici nepovratnih sredstava Federalnog, Kantonalnog ili općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu većem od 5.000,00 KM;
- 6) nisu izvršili zamjenu, prodaju ili poklon stambenog objekta u ličnom ili vlasništvu članova zajedničkog domaćinstva;
- 7) oni i članovi njihovog porodičnog domaćinstva nisu vlasnici ili suvlasnici subjekta koji obavljaju privrednu ili drugu djelatnost, registrovani kao pravno ili fizičko lice.
- 8) ukupna primanja domaćinstva demobiliziranog branioca i RVI sa stepenom invalidnosti od 20% do 60% ne prelaze iznos prosječne neto plaće isplaćene u FBiH u 2014. god., odnosno iznos od 833,00 KM.

III. Prioritetno rješavanje stambenih pitanja pripadnika branilačke populacije putem stambenog zbrinjavanja vrši se po pravu prvenstva kako slijedi:

- 1) dobitnici ratnih priznanja ili odlikovanja iz člana 5.stav 3. Federalnog zakona;
- 2) djeca šehida, poginulih, umrlih, nestalih branilaca bez oba roditelja i ratni vojni invalidi sa oštećenjem organizma od 100% I grupe;
- 3) porodice sa dva i više šehida, poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
- 4) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5.stav 3. Federalnog zakona ;
- 5) porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
- 6) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5.stavovi 4. i 5. Federalnog zakona i umrlih ratnih vojnih invalida;
- 7) ostali dobitnici ratnih priznanja i odlikovanja;
- 8) ratni vojni invalidi sa oštećenjem organizma od 20% do 60%;
- 9) demobilizirani branioci;
- 10) udovica umrlog demobiliziranog branioca iz člana 3. tačka a) Uredbe;
- 11) roditelji umrlog RVI ili DB iz člana 3. tačka b) Uredbe;

IV. Potrebna dokumentacija koju prilažu kandidati za dodjelu sredstava – u originalu ili ovjerenoj kopiji ne starije od 6 mjeseci od dana podnošenja zahtjeva:

- 1) dokaz o statusu branioca i člana porodice branioca;
- 2) fotokopiju lične karte,
- 3) rješenje o starateljstvu nad malodobnom djecom bez oba roditelja (za djecu šehida/ poginulih branilaca bez oba roditelja);
- 4) dokaz o provedenoj ostavinskoj raspravi na pokretnoj i nepokretnoj imovini za porodice šehida/poginulih branilaca;
- 5) uvjerenje o kretanju izdato od MUP-a;
- 6) kompletnu dokumentaciju o stambenoj situaciji (građevinska dozvola, z.k.izvadak na imovinu kao dokaz o vlasništvu podnosioca zahtjeva; a u slučaju kupovine stambenog objekta ugovor o kupovini stambenog objekta uz priložen z.k. izvadak prodavca, ili dokaz da je podnesen zahtjev za uknjižbu od strane kupca);
- 7) uvjerenje o prihodima zaposlenih, odnosno uvjerenje o nezaposlenosti punoljetnih članova domaćinstva;
- 8) posjedovni list i uvjerenje o promjenama u katastru od 1992.godine iz svih općina prebivališta (za lica koja su mijenjala prebivališta), za sve punoljetne članove domaćinstva;
- 9) uvjerenje nadležnog općinskog organa da nisu bili korisnici nepovratnih sredstava Federalnog, Kantonalnog ili općinskog budžeta dodjeljenih u svrhu stambenog zbrinjavanja u iznosu većem od 5.000,00 KM;
- 10) izjava da nisu izvršili zamjenu, prodaju ili poklon stambenog objekta u ličnom ili vlasništvu članova domaćinstva. Uz Izjavu priložiti **Z.K. izvadak sa historijskim pregledom** (Z.K. izvadak sa upisanim promjenama kroz Z.K. uloške) za podnosioca zahtjeva i sve punoljetne članove domaćinstva.
- 11) ovjerena izjava o zajedničkom domaćinstvu (kućna lista);
- 12) uvjerenje Porezne uprave da nema poreznih zaduženja za sve punoljetne članove domaćinstva
- 13) druge dokaze iz kojih se vidi opravdanost zahtjeva.

V. Visina sredstva

Za potrebe stambenog zbrinjavanja branilaca i članova njihovih porodica obezbjeđena su sredstva u Budžetu Zeničko-dobojskog kantona za 2015.godinu, na budžetskoj stavci Ministarstva za boračka pitanja, a ista će se realizirati u skladu sa prilivom sredstava u Budžetu Zeničko- dobojskog Kantona.

VI. Postupak odobravanja sredstava

Zahtjev za pomoć u svrhu stambenog zbrinjavanja zainteresovani kandidati podnose na posebnom obrascu koji mogu preuzeti u ovoj službi, uz dostavu svih naznačenih potrebnih dokaza o ispunjavanju uvjeta oglasa, odnosno u cilju bodovanja i izrade range liste na osnovu koje će biti izvršena dodjela sredstava.

Sve druge informacije koje se odnose na uvjete, kriterije za bodovanje, način i postupak dodjele sredstava po ovom oglasu, zainteresovani kandidati mogu dobiti uvidom u odredbe Zakona o dopunskim pravima branilaca i članova njihovih porodica, Uredbe o pomoći u rješavanju stambenog pitanja branilaca i članova njihovih porodica i Instrukcije za primjenu Uredbe o pomoći u rješavanju stambenog pitanja branilaca i članova njihovih porodica, koji će biti istaknuti uz ovaj oglas, kao i na web stranici www.zdk.ba. koja se odnosi na važeće propise.

VII. Prijave na oglas se mogu izvršiti do 03.07.2015.godine.

Iste se podnose ovoj službi, gdje zainteresovani kandidati mogu od nadležnog službenika dobiti obrasce zahtjeva za dodjelu sredstava i sve potrebne informacije.

Nepotpune, neblagovremene i neuredne prijave neće biti uzete u razmatranje.

Datum: 17.06.2015.g.

POMOĆNIK NAČELNIKA:

Omerbašić Sabahudin, profesor,